

德興縣原序卷之末

原序一 嘉靖丁巳

洪 垣 御史

前輩說史者謂史之失自馬遷班固諸公始馬遷之史詳於記而略於誌班固之史詳於制而略於法法與誌其果可詳哉然則其失何在曰失在詳於制而略於教也乘與橈杙非教之意乎至夫子之春秋而其義始備然則春秋又何罪也曰惇典庸禮明刑慎罰乃王者君臣之所同得而不爲制故夫子因魯史舊文而直書之非謂其真有假於二百四十二年南面之權愚夫愚婦戚於禁欲而罪之也蓋亦荷蕢之流

德興縣志

卷之末

原序

一

安於誌制之所從受以爲夫子可已而不知已者之爲罪是教之所由失也若夫今之邑國之誌則異於是矣夫何異哉曰夫子不得以制行其教於時憂懼方深洪水有念故不得不以其義筆之於史而其爲志也主於懲今之爲守令者承先王之法善有舉惡有懲至其制之所不能行則又有憲臺監司以督臨於上而一時奸宄無所自逃故其據而筆之誌以爲教也主於勸譬之臣室之子旣已遵率教令而爲之父母者得與子弟之尤賢者相與籍其家之疆域相賦宮室門閥祠墓與其善言善行及乎昔游衍之所方藝之工可爲家

增飾者使之按籍興懷而世守之不替蓋非可已之心也德興鄰於婺爲饒郡劇邑俗尚簡勁因其資可以義動東水許君來宰廉能公慎率先以正士民翕然竝就軌道方時同官競以保薦陞名相報慶而君且恬然以邑誌闕謬請諸督學敬所王公聘取春元西麓舒子近山笄子重訂而更修之如巨室父母之記籍然彰意示志求以世守其家不肯卑卑營奉以邀結貴人達官爲無益之舉自速化者視之或將以爲可已而不已者矣噫春秋之筆雖非後學可議然當時之不知而罪之者惟恐夫子之不知已以求於自泯而今則又懼

德興縣志

卷之末

原序

二

其可已而不能已以求疾於自進斯觀風者寧無念哉雖然先正有言講學之興誌史風化相表裏循良之所重而俗吏未有不以爲迂者今侯以易直之心慎明公議於上而西麓近山探求正學確持清議於下上下交相有成吾知後之君子其必有知是志者矣因視篆思庵莫公來吏爲屬於編首

原序二

萬曆丙申

何

鑠

知縣

古者列國名有史官掌記時事以備觀省而垂勸戒今郡邑之有志非卽古列國之有史乎江以西饒爲上郡德興爲饒隸邑其間山水明秀毓爲人文理學則有程蒙齋董盤澗余

安直祝觀物名臣則有張節度汪彥章余心耕祝約齋孫歲寒孫冰蘖祖孫光啟宦績則有重惟坤朱重惠隱逸則有周冠玉姜堯章笄月庭貞烈賢媛則首稱夏孝貞余雪玉其瑰瑋奇邁炳輝今昔者不可勝紀咸於志焉足徵也顧志自永樂年間僅傳鈔本迨世廟時始一纂修付諸剞劂氏然亦略而未詳觀者病之迄今數十年來尤多殘闕不及今更爲修輯無論晚近無稽卽往哲芳規名區古蹟其不至於泯沒者幾希矣不佞鑠癸巳冬承乏茲邑慨志久湮弗修竊欲圖之而未逮也頃者郡伯林公拊循全饒恩信流洽吏士翕然嚮

德興縣志

卷之末

原序

三

風暇之日注意郡志博採七屬邑而纂輯且垂成爲不朽盛事不佞鑠因有感焉廼敦請廣文冲臺俞君孝廉南華余君特秉椽筆而又延邑庠譽髦士如余生柔張生德篆王生國用孫生士觀等相與訪求父老參酌古今蒐剔巖藪凡舊志所未及者增益補葺之刻期已成編余評閱之大都義例精確體裁簡古文而核直而不阿其有裨於文獻者非渺小也後有作者稽宦牒而可以思治睹鄉評而可以思賢覽山川士田而可以思興廢觀民風物產而可以思隆替然則斯志也庶幾哉與郡志並垂不朽乎余樂觀梓人之告成故撮其

大略而序之如此以驗來者

原序三

萬曆丁酉

祝世祿

饒有七邑介在東匯之東大都以水勝歎德興邑萬山中峯
嶺迴環蒼翠萬狀泊水西流實源彭蠡少華左峙可亞匡廬
東距浙北距新安三省交牙四塞爲境朝代洊更兵燹罕被
民俗樸茂簡出重遷聚族而居往往來自唐宋間漢縣銀城
隋場銀治惟德乃興因爲邑名蓋至南唐始見於耶方父老
相傳故有宋志予不及見第見永樂景泰二志傳寫民間不
隸官府嘉靖之季西蜀許侯始一修而刻之於時載籍寥寥

德興縣志

卷之末

原序

四

多屬草創甫及脫藁侯且報遷當事不戒邑人士好張家世
不無竄而入之者而其亥豕舛駁篇帙錯落更復不少觀者
病焉越四十年廣陵何侯來令吾邑政尚廉平自公多暇慨
前志之久苒懼來茲之無稽雅有意乎邑之文物會郡伯林
公下檄諸邑於是咨諏遺逸商訂義例以孝廉署廣文事俞
良仲邑孝廉余言卿二君素以耿介聞屬之秉筆而佐之以
余張王孫諸生相與進退今昔校讎同異芟繁撮要釐譌補
遺歷朞月而始成書爲卷十四爲綱十二爲目七十三志山
川以表形勝志建置以表經制物力纖嗇而竭澤反裘之是

虞則食貨次之世變江河而起敝維風之是急則風俗次之官爲民設故次職官人以地傑故次人物以至僊釋裊祥藝文方伎以博雅家所不吐棄者附以志焉璧聯珠貫縷析條分雖大端一稟於君侯而二三君子殫力紬繹以維絡乎其間良亦勤矣乃其難無如人物一志志故無刻嘉靖之役邑人士第執家乘以徵邑乘家私而邑公其有不當輿論者不收爲是而或不免於收之今此之役稍有易置孝子慈孫且執故乘以徵今乘故習而今未定甚至訟言於庭以二君耿介威富不移猶自志其慚於凡例中世奈何易言志哉往予

德興縣志

卷之末

原序

五

令休寧懵焉不解視已成事藉前志之益爲多今者得君侯志吾邑越在官方不獲載筆從二君後攄一得之愚以佐末議殊爲嗛嗛我國家令甲齊之人不以治齊楚之人不以治楚勢必使捧檄千里交治之其風習東西南北不埒也邑人士身處宇下心知之而不能口之也比物此志具不下堂皇而周遭百里上下千年興敗之繇如指諸掌按籍得俗按俗得理則君侯所貽於繼君侯者遠矣不佞重爲邑人士幸又重爲後之令吾邑者幸遂不辭而弁諸首簡

原序四

康熙癸五

王澤洪

知府

饒東南之興與淞之衢屬界相連也余前奉憲檄會按事取道茲邑邑有以地輿圖獻者中間爲都若干圖若干眉分目列歷數山之佳則天門也歲寒也御屏也少華也隱將也理旗也歷數水之佳則海口也銀港也龍溪也清斗也淬劍也溫泉暖泉也因索邑志閱之則云舊志成於明之萬曆今時移代易矣湮沒者數十載矣板亦殘落不能成帙文獻無徵非大舉而重刻之不可余時卽欲續貂奈邑令傳舍弗獲厥念且志載不存若建置之興廢學校之盛衰賦役之厚薄人物之榮瘁風

德興縣志

卷之末

原序

六

俗之醇漓政事之損益俱無所考當亦大典之缺事矣抑何以云前事之鑒爲後事之師耶會壬子歲

上俞輔臣請有事於一統志之修咨行各督撫轉行藩司檄諸

郡邑修輯故典以備採擇而饒屬諸邑次第告成書矣德興毛令亦乘時會而舉行之總彙諸目先期呈閱且敘詩小序云不舍己之性情爲古人之優孟旨哉是言足以立脩詞之準矣事核而文其在斯乎今而後舉所謂邑之佳山水可以開卷而當臥遊也建置學校賦役諸大事可以燭照數計而并悉所由來也志之成也蔚

然大觀矣夫饒既有郡志備於前諸邑復有邑志以詳郡志之所略尚何聞見之弗周乎孔子曰夏殷無徵取之杞宋德邑之士雖有稱說古先者然編纂筆削之任非邑令是屬而誰屬也哉

原序五 康熙癸丑

史彪古 翰林

皇上崇文興治允閣臣之請俾天下郡邑各蒐輯成書上之史官以大一統甚盛典也先是太守王公祖以精鑒總裁於上郡乘既竣而各邑之志咸先後告成余忝舊史諸使君咸不鄙余而余不揣亦各弁荒詞於簡端茲於

德興縣志

卷之末

原序

七

德志而益歎其成之之匪易也蓋德於饒爲東偏去郡十舍而遙居萬山中僅如黑子著面介然荒茅黃竹之間又數經兵燹衡門之內清風輟響大人先生已騎鯨馭風雲散鳥沒何所依以就正焉此其難者一邑有宋志及明之泰嘉本俱放失無可考止據所藏鈔錄以資論斷郭公夏五殘缺莫稽此其難者又一今幸

興朝定鼎以來惠吾賢侯毛使君以天中名宿臨蒞茲邑樹瘠土之駿烈壁壘旌旗洒然一變與賢士大夫綱羅舊聞發凡舉例綱整目張簡而盡詳而不污旣無魏收

穢史之譏且不市月而全書犁然又無劉知幾汗青頭
白之誚非使君明眼慧心洽聞端軌孰與幾此抑吾於
志而知使君之知所先務也聞之禮義廉節爲國四維
故志於忠孝必書貞節必書名宦必書以迄學校教養
山川貢賦秩祀藝文靡不纖悉具備凡以善善長惡惡
短以激發其廉節道義爲維持風化之本德於饒雅稱
望邑曩昔名賢迭興勳名事業輝煌簡冊迄於今風徽
少替矣使君急其先務成其所難成且以興賢育材爲
治之要創立禮制志以冠篇首明武宗之庚辰歲大旱

德興縣志

卷之末

原序

八

邑令趙君德剛疏請賑銀七千餘兩使君以區區一令
能爲民請命如此爲之立傳咨嗟歎息若親見其事者
仁民愛物之誠咸於是乎具昔司馬公編輯資治通鑑
至今爲萬世不易之書司馬家於中州使君之鄉也使
君持是志設誠力行以維持一方進而廣之著作於天
祿石渠之間經邦調元佐理治平如君實公將於是始
基之若僅以邑乘之成而速美而傳上可以應
功令下徒以備文獻猶淺之乎視使君也則余豈敢

原序六

康熙癸丑

毛九瑞

知縣

縣之有志猶國之有史也其所紀載者不過一方之言
一時之事而上可以貢於天子下可以傳諸弈世誌之
久且大也如此至於鋪張揚厲之詞或者視爲虛文而
典型斯在勸戒攸存所關乎實政者不淺九瑞來令德
邑詢問舊章闕如者八十餘年欲爲勒成一書而日不
暇給揆之古人下車問志之義未敢卽安也我

皇上方崇文治

允閣臣之請徵文考獻以志一統爰

命省府州縣皆事纂修以備採擇此尤曠世之盛典矣瑞旣

德興縣志

卷之末

原序

九

躬逢其時而臨之在上者皆化成清靜無所督責於吏
吏乃得以簿書之力用之於志進諸父老及士大夫與
之動色相戒懷鉛握槧而從事焉志興地縣所由設也
志建置民所由安也禮制治之本也食貨正之經也秩
官職守不可不敬也選舉用舍不可不當也風俗上行
而下效者也災祥盡人以待天者也人物彰進德也藝
文重修詞也釐訂舊文咨詢近事去取視乎民情論說
出其愚見荒唐之說不敢登塵土之言不敢錄要之以
鄭重揆之以時宜爲綱者十爲目六十有七用以對揚

休命而昭示將來夫亦曰瑞之職也瑞之志也云爾

原序七

康熙癸亥

黃家遴

知府

德興去府治最遠相傳其地產銀唐總章中立銀冶號
鄧公場南唐始改爲縣名德興蓋以山川之寶惟德乃
興也自立縣後人材炳蔚物類繁衍獨銀不復產聞之
其地山峭水駛風醅俗樸宋時爲江省冠明初明經篤
行之士所在如是搢紳先生進忠王室退範里閭薰蒸
陶淑風俗最古自正嘉以後寢以凋敝非復宋明之舊
迄於今

德興縣志

卷之末

原序

十

王化漸濡將復於古士民又以喪亂故亟思返本駸駸向化
風氣日上矣夫天地精英之氣不鍾於物則鍾於人而
翕闢顯藏之機不大鬱積則不大奮盈邑自三代號爲
荒服自漢迄唐天道日南大江左右幾與鄒魯同風然
家絃誦而戶詩書亦未能如宋明之盛也故其時天地
精英之氣鬱積而爲銀礦以濟國用利民生其後趙宋
南渡密爾畿甸又大儒輩出醅醲浸灌忠正之士理學
之儒日新月盛精英之氣大洩於人而不復鍾於物自
正嘉以來又曠百有餘年山川苞蘊既不產人復不產

物鬱積奮盈將必大洩於今吾見德興之士雲蒸霞蔚
出而爲朝家之珍所以濟國用而利民生者豈特銀之
爲寶乎蓋精英之氣雖鍾於天地而亦陶淑於王化玉
化明則人材出王化暗則人材無所成就天地不得已
而鬱爲金銀銅錫之礦以爲世用故銀礦之出王化之
衰也豈若人材勃興之爲盛乎然則名邑之義不當徵
於物而當徵於人也明矣今德興之地鬱積百有餘年
而漸濡涵育於

聖朝之化則人才風俗繼宋明而超漢唐無或疑者因邑志

德興縣志

卷之末

原序

十一

之成謹書此以爲士民券

原序八

康熙癸亥

吳啟新

知縣

江以西饒爲上郡饒隸七邑惟德處東偏界於徽婺衢
信之間山則崢嶸而蒼鬱水則洄環而澄澈其靈氣之
所孕育鍾爲理學名賢忠孝節義文秀武功與夫食貨
物產古今勝蹟前人志內詳之較著矣間有闕遺

國朝壬子

上諭纂修一統志時邑令毛君諱九瑞者會集闔邑紳士重
加考訂則又秩然大觀焉適於甲寅逆寇震鄰郡城弁

將背叛致勤

王師征勦逆寇屢服屢叛盤踞蹂躪蓋已六年城垣墮壞廬舍焚燬鬻宮鞠爲茂草田園盡屬荆榛官斯土者多方招徠勤心撫字奈久困於憔悴終難起而復振幸藉郡伯黃公拊循全饒起瘡痍而肉白骨民始生聚教訓復覩太平景象又值

聖天子下詔徵天下藏書重修郡邑志乘俾石渠虎觀諸臣蒐輯刪訂採入會典以成一代文獻永遠不刊之書新署茲邑方以民社弗勝是懼適捧修志之檄益增惶悚

德興縣志

卷之末

原序

十二

隨會邑中紳士商搢竊謂壬子舊志頗詳密姑仍舊可乎紳士咸曰志雖記事亦以垂戒也前代之志略而未詳毛公之志詳而未確必搜遺編稽輿論合從前邑志互參而訂正之庶與郡志符合而進獻

朝廷紳士僉以其責歸於予予不敢專厥任於是敦請廣文先生李君大生李君自夔孝廉葉君友柏明經葉君啟忠筮君必光蔣君毓英庠生張澗等共秉筆以襄乃事大約分條別類一以毛君所訂爲準其間事實有闕略者補之品置有弗確者芟之求其無憾而後卽安至

於人物一志諸紳士咸謂前此事多簡棄今旁採眾論
尚有未錄者若而人又自壬子以來其間孝節義行多
有可錄使闕略弗彰非所以光志乘也於是合諸人事
實嚴加考覈參酌可否彙錄成帙呈請批詳庶幾不徇
不偏毋漏毋濫不弔月而書告成披閱之餘殊覺井然
有條燦然可觀庶可稱爲實錄乎凡此皆諸君子載筆
之力也予也一官署篆學淺才疏愧不能文聊述數語
以誌志成之始末云

原序九

康熙甲子

韓世俊

知縣

德興縣志

卷之末

原序

十三

甲寅之歲滇南倡亂閩氛繼起師武臣奉

聖天子命漸次削平海上游魂跋扈於洪濤巨浪間者亦傾
心向化侯甸要荒咸修職貢於是桃林歸放文教覃敷
爰修一統之志用紀千秋之盛由邑合郡由郡合省會
由省會合天下萬國車書瞭然指掌皇皇乎典鉅也俊
於癸亥仲秋銓授德興挂帆南下河冰既合至甲子春
仲抵邑而志已告成矣余雖未獲與諸君子共相考訂
而開卷犁然舉一邑數百年之事咸秩秩班班抑揚得
實嘉言孔彰大有裨於世道人心諸君子之功誠偉矣

余以筮仕之初簿書鞅掌挑燈披覽於輿地則羣山列
秀澗水潏洄邑之勝也於建置則考亭荒策藐焉絕響
令之媿也於禮制則先聖宮牆典物未昭何以大
輪奐而潔明禋也講學明倫則社師約正何以得人而
佑啟也令之責也於食貨則丁田離合雖上下相左而
釐正匪難至平圖詭寄爲邑之害者甚鉅毛君洞如觀
火言之痛矣自非操尺履畝未易詰其根柢也漕運輓
輸倒懸莫解雖有鄭圖其如

君門萬里何此邑之時艱而令之所殷憂惓惓也理學則

德興縣志

卷之末

原序

十四

淵源濂洛奏疏則彷彿賈董至如文德武功照耀人寰
致身竭力追蹤往哲其他和熊矢柏之操風雲月露之
形峻節幽芳尺幅難函洋洋乎大風也哉此邑之前徽
而令之所景行高山也於災祥則德邑五十年間水火
刀兵備罹慘毒具官以來觸目傷心雖蒼翠盈前無非
愁障潺湲在耳總流悲咽山川之奇勝依然領略之神
情安在哉嘗聞天道好還無往不復德之否運至此極
矣蔑以加矣自茲以往其泰來之候乎秋香匪遠龍津
在望士之慶也時和年豐稱觥介壽農之樂也舊志云

門有喬木野有嘉穀橫經負耒俱訥訥然不能出諸口
此邑之甚幸而令之所祈望殷殷也夫志之爲書也取
乎興觀之義邑之諸君子自能砥礪清修繼美前賢而
令之爲令無以步賢侯之後塵負疚滋多矣余也媿不
能文敬弁數言以紀

聖天子治平伊始邑志用成之盛事云

原序十 康熙癸亥

李自夔 訓導

縣之有志猶國之有史也

朝廷之權在賞罰草野之責有是非盛世有傳政斯有傳

德興縣志

卷之末 原序

十五

書一予一奪而以榮以辱季世有傳書而鮮傳事亦一
哀一貶而以勸以懲尼山之春秋將一日之名義立萬
世之綱維史臣之珥筆以一時之定義爲千秋之鑑戒
史亦綦重矣哉志也者記善也亦以定一日之邪正傳
歷代之臧否爲世道人心計至深切也江以西饒爲上
郡饒七邑德號繁劇山川奇秀蒼翠萬狀南唐肇見職
方往哲芳規名勝舊蹟文獻無稽稗官野史時或見之
至明盛始有傳書故家巨族奇英輩出理學則程朱正
傳彪炳冊籍名臣則伊周步武照耀人寰科第則魁解

芳名登於試錄宦績則韓范規模著於名區隱逸則巢
許高風藏諸川巖貞烈則堅節冰霜表於閨闈其餘忠
臣孝子義士耆德瑰偉奇行難以殫述若夫山川之形
勝建置之經制物力之豐饒風俗之茂美職官之賢良
政事之損益禮制之因革選舉之碩儒人物之卓越下
而浸祥藝文方伎仙釋種種美事博採無遺珠聯璧合
燦然在日志之昭垂已見於前矣明季兵燹之餘事業
勳名徽風鮮播典章闕失不無遺憾

國朝王子時適清平

德興縣志

卷之末

原序

十六

上諭輔臣纂輯統志檄省郡修典制博採風搖以察八方之
人情世俗茲時也邑令毛君政修治暇出一己之性情
發千古之曠識立禮制則以興賢育材爲治要尊行誼
則以禮義廉節爲先務昔志所傳者罔不修明志之大
體亦未嘗或闕也越甲寅閩寇竊發兵賊交訐者六載
昔時之山川不改而當時之人物堪悲城郭邱墟名賢
凋謝雕牆者成瓦礫宗廟者爲禾黍 聖學崔嵬悉
皆荆榛彥士英偉咸挫雄風詩書火燼禮樂睽違今日
之德邑大異曩時之德邑矣幸地勢旺而未衰氣運剝

而卽復邇來土習醇雅不乏英豪殘毀者隆隆乎日起
萎蕭者駸駸乎□上羣賢挺生詞章迅發曩哲雖湮沒
而繼起殊多學宮多杰士而振拔不少卽未進之儒童
翹翹然有垂千秋而包萬象之概此非侈語亦氣勢足
徵也今茲癸亥正

聖天子之二十二年武功已成雍熙遍洽寰區文德載懋典
彝彰於異域復下明

詔開史館徵求宇下藏志以成一統侯甸要荒成遵

王章任德興者藩司吳公也賦性仁慈愛民出於天性行政

德興縣志

卷之末

原序

十七

卓異循聲播於閭巷甫下車見闔邑之殘疆惻然心恫
睹士民之失所翻然色動望 聖殿之頽圯不覺潛

然淚下矣爰捐資糾工修 聖賢毀墜之壇位巍然

改觀崇 啟聖久闕之宮牆煥然立就續敬亭文峰

之聳起燦然更新奉憲催縣志之散失欣然思集敦請

紳衿名宿董理編造一時俊毛充庭淵雅畢聚芟煩就

簡正訛補闕網羅頗廣纂次彌精而於人物尤加詳慎

總其成者定於一是無游移之患襄其事者歸於至當

鮮偏徇之私以至正之心成至重之事一時之志卽百

世之史也越幾月而書成吳公之功誠偉矣哉而秉口
諸賢亦將與是書並垂不朽矣後之讀是編者士人敦
品節建鴻猷以維一世之風化黎庶務稼穡循樸質以
享一世之隆乎呈之憲臺而上人樂其美備獻之

朝廷而

宸衷亦悅其熙皞矣夔職廣文不能贊一詞略述數言以記
其盛

原序十一 康熙癸亥

范 琮 縣丞

稽周禮有小史外史之職而郡邑之志起焉饒之隸縣

德興縣志

卷之末 原序

十八

七惟德處東壤素稱名區予於戊年之夏分符茲邑見
其地層巒疊嶂挺峙崢嶸碧澗清流遶環合若天地
英靈清淑之氣於此特鍾知必有博碩鴻儒穎異秀士
爲理學爲名賢爲忠孝節義卓卓表著使非有懷持直
道砥柱中流者起而維之則氣運豈能久盛哉今逢

聖天子詔諭天下修志凡海邦僻隅莫不奉令惟謹德興燹
後典籍不存瀛海吳堂翁以藩佐署篆茲邑賢能素著
涖任未週政通人和事無大小莫不協上意而慰下情
其於修志尤加鄭重極意搜求僅得萬曆丁酉志及前

任毛君癸丑志於是敦請諸紳士開局纂修提綱列目
闕略者補冒濫者汰尤恐去取有所未當時行臨局申
飭相期矢公矢慎關係之大者一惟郡志是正更加意
理學以爲理學者德業言行所從出也因取程董余鄒
諸名儒冠於人物之首其於名教所裨不小而諸紳士
直毅然奉行不敢毫有所苟其爲世道計人心慮相與
有成至深且遠無非欲維直道於不墜後之有志斯事
者無畏勢而徇情無懼罪而沮行猶然行春秋之志秉
春秋之筆不愈見直道之常存所謂轉移風化昌明德

德興縣志

卷之末

原序

十九

教非盡氣運使然良由人力洵不誣矣予以簿書鞅掌
每對老槐巨竹惟恐負官堂翁乃以志書告成命予序
言附驥自揣識淺曷能贅言雖然志以書美亦以示勸
也邑之諸君子誠思昔者人才何以多科名何以盛則
山川不改風物依然振刷而奮起之將後之視今猶今
之視昔予於諸君子有厚望焉謹序以附

原序十二

道光癸未

蔣啟敷

知縣

皇上龍飛御極之三年歲次癸未夏五大中丞程公奉
簡命自山右移撫豫章甫下車卽興教養定勸懲凡有關於

吏治民風者孳孳焉如治家事不月月恩信淪洽口廢具興既乃舉修通志謂爲人上者於所部之山川疆域人才風俗田賦食貨以及驛鹽軍政之類苟未能一一周知則無以酌古準今施於政治興化善俗是故志者教養之經而勸懲所由立也顧可緩乎哉遂下檄各郡縣咸事纂修以備通志採擇凡通都大邑與山陬僻壤之區莫不鼓舞而從事焉德興隸於饒爲江右望邑敷以仲秋來權縣事適郡伯焦公拊循全饒廉勤率屬亦諄諄以修志轉飭亟搜閱邑乘明時舊本已散軼不可

德興縣志

卷之末

原序

二十

考康熙癸亥吳君啟新重修後閱今百四十年紀載缺如頃者故令江君倡議續修設法勸輸釀金得若干延邑之賢士大夫分董其事率皆毅然奉行而無所苟惟歷年旣久網羅散失未易奏功敷初蒞茲士鞅掌簿書恒以不勝是懼續奉檄催不辭固陋輒於公餘偕邑中知名士懷鉛握槧釐訂纂輯存舊文遵新式繁者汰之略者詳之譎陋者文之體例未協者正之而於教養勸懲所係之事尤致意焉四閱月而書成例得弁言簡首以誌將事之始末敷竊維知縣一官所當知者一縣之

事也邑雖小其山川疆域人才風俗田賦食貨以及驛
鹽軍政數大端亦罔不具備此而不知烏乎用吾知者
觀志所載紀山川則峰環而流駛也紀疆域則繡錯而
牙交也紀人材則代有偉人也紀風俗則野無澆習也
農務稼穡而田賦詳其制俗戒侈靡而食貨裕其源治
有損益而驛鹽軍政酌其宜餘一邑之典故皆條分而
縷析焉今而後不下庭階而上下數百年之事遠近百
餘里之間凡爲吾職所當知者靡不瞭然若指掌所謂
酌古準今施於政教以興化善俗將於是乎在敷 既上

德興縣志

卷之末

原序

二十一

體憲訓而竊喜邑志之速成循是以求稱厥職其於教
養勸懲之法庶幾勉勉焉稟承德意次第而敷施之或
不至貽隕越羞歟若夫徵文考獻率爾操觚知難免於
蕪陋之譏然而由邑合郡由郡合省他日者通志告成
仰奉大憲鴻裁兼綜條貫金聲而玉振之所以昭

聖化而紀

昇平者煌煌乎鉅觀也則斯志固其嚆矢也夫

原序十三

道光甲申

宋大寅

知縣

縣於古爲國志於縣爲史史以年編志以地紀其體一

也自古論史嚴而論志寬謂夫陳聞臚見其事則邑其人則邑令與邑人士記載云爾然而草創於縣彙之郡綜之省然後貢之天子勅職史者權裁焉如是其詳且慎也詳且慎必自縣始德興邑饒之東錯浙交皖少華泊水結秀融清礦於隋唐理學於宋名臣於明蓋自人材興而寶藏息銀城塵以名存矣

國初運祚方新疆宇敕壹絃誦衣冠胥於編戶民俗敦固物力豐物節行甲科臻臻郁郁簡畢有煒於是有毛吳二君之志今

德興縣志

卷之末

原序

二十二

皇上臨御德熙化洽浴澤嚮風不言而喻自都府迄主郡端表正帥日進所屬而父師諄誠之謂教養缺非邑也政治弛非令也往者弗鑒來者無資非政治也夫邑則有志盍讀焉盍續焉於是重修之議倡於程大中丞檄於郡伯焦公偉乎劇業哉夫舉事者必厚其力力絀則隳必僉其謀謀尠則疎於時故令江君建義籌貲力克舉矣攝縣事蔣君乃得萃邑之知名士而謀旃博訪以閱模粗裁以据實憲古以程軌式今以秉度令以筆舌先之羣才桴應積月四穀鋟鏝告備俾

大寅

縮銅戾止

拱手而觀厥成嘻其幸已既諸紳請上呈屬更釐定自
維樗陋庸知規軸矧曰成矣譏譏奚爲竊以志本乎邑
邑存乎志聞之古有信史良史矣詳斯信信斯可久慎
斯良良斯可大邑之志而大也久也則宜詳也慎也則
宜詳之詳慎之慎也獻瑾瑜者不示其瑕貢椽幹者不
並其楛也因重加披繹間有詞駁理鬱句鈎字棘脫訛
不治者證以足之所及耳目之所涉并延孝廉程步矩
余道杰明經程步瀛茂才余廷琳相與刮磨爬剔求衷
至是其義例事實毫不塗綴斯本既出而前所印若干

德興縣志

卷之末

原序

二十三

部分藏四鄉者不便尋覽舉與廢帙云且夫千里辨出
門九仞基平地縣志者出門之一武平地之一簣由是
而郡焉省焉正列被飾準平繩直璧圓珪方上以達

帝聰下以光弈禩庶其全於志全於史乎若乃承長宇人詳
慎其職也舉一志而教養政治可例矣

大寅

曷敢不勉

德興縣志原修姓氏

癸丑屆

監臨

王澤洪 郇雨曲安人饒州府知府

鑒定

史彪古 煥章郡人候補京堂

總裁

毛九瑞 魯河鄭州人知縣

督修

德興縣志

卷之末 原修姓氏

一

黃學召 師前福建人縣丞

汝起鳳 英吾陝西人典史

編纂

嚴濟明 虛庵興安人訓導

朱祚泓 止水縣貢生

葉聯飛 雲翼縣貢生

友柏 銅柯縣舉人

生員余立達

董一宗

校閱

董士修 縣貢生

程文典 縣貢生

生員葉啟忠 金章

余錫芹 鍾若蘭

祝人麟 孫謀

張澗 程大任

祝必達 余士良

祝之梅 蔣毓英

德興縣志

卷之末 原修姓氏

鍾篋 王成彰

齊芳 姚贊

德興縣志重修姓氏

癸亥屆

監臨

黃家遴

尙賓遼東人饒州府知府

總裁

吳啟新

佑生河間人布政司理問署縣事

韓世俊

君懿奉天府人貢監知德興縣事

原編

毛九瑞

魯河鄭州人知縣

德興縣志

卷之末 重修姓氏

三

鑒定

李大生

體乾南昌人教諭

李自夔

大章石城人訓導

督修

范琮

玉宗邢台人縣丞

纂修

葉友柏

銅柯縣舉人揀選知縣

葉啟忠

乃心縣貢生候選訓導

笮必光

又華縣貢生

蔣毓英 樸庵縣貢生

張澗 仲洋生員

校閱

葉聯飛 雲翼縣副榜貢生考授知縣

程良佐 虞臣縣貢生由訓導三任陞州同

朱祚泓 止水縣副榜二次准貢

董士修 敬先縣貢生

董鼎威 縣貢生

生負余恂 程之旦

德興縣志

卷之末 重修姓氏

四

程一先 董兆麟

鍾笙 程大仕

董兆龍 齊芳

德興縣志續修姓氏 道光三年

癸未屆

監臨

焦景新 知饒州府事

主修

江志鵬 知縣

蔣啟敷 知縣

宋大寅 知縣

協修

德興縣志

卷之末 續修姓氏

五

湯元珪 教諭

黃組錫 訓導

同修

高 崢 縣丞

徐思錦 巡檢

盧錫琛 典史

田 燠 典史

纂修

余廷墀

葉一新

程步瀛

余廷琳

余朝楷

余崧

張敦吉

董接華

程煉金

傅暉吉

徐翰

李廷王

校閱

董道熙

董典

齊錦川

程秀超

王暄

王蓮

舒聯奎

張環玉

張鳳翔

余孟然

王沛霖

程宗涵

德興縣志

卷之末

續修姓氏

六

祝高芹

萬應麟

總理

朱定魁

董占春

徐鎔

王應烈

經理

葉元芸

朱定元

陳繼勳

朱鷺

舒翱

余鳳翔

余夢元

笄廷輝

余振鵬

余德滋

笄承詔

笄豐亨

舒徽

張星煌

夏之時

董振鏞

程瑞芝

王鳳祥

葉一枝

董杰

齊鳴瑞 董昌期 董寅恭 齊鏞

潘緝熙 程瑞鳴 程錫鈺 胡履峙

黃廷熊 張其絢 徐珪 傅燮邦

陸漸鴻 笄其淵 蔣英 傅泰

吳濟恩 李日華 蔣金南 程蘊輝

應景昌 程文照 王瑞清 李廷榮

胡履亨 祝堯天 李杜文 程鵬舉

余靖恭 董龍光 王申 祝三多

陳重鏞 王顯仁